

Goibekokale

ELGETA / Barikua / 2004ko otsailaren 6a / 172. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Espaloia kafe antzokia kudeatzeko lehiaketarako epea zabalik dago


IRATI AGIRREAZALDEGI

Udalak Espaloia kafe antzokia kudeatzeko lehiaketa jarri du abian. Gipuzkoako Aldizkari Ofizialean jasotako albistearen arabera, interesatuek proposamenak aurkezteko otsailaren 22ra arteko epea izango dute. Nahi duenak Udalean ditu eskuragarri baldintzak.

Espaloia kafe antzokia kudeatzeko asmoa azaltzen dutenek kultura proiektu bat aurkeztu beharko dute Udalean, instalazioei emango dieten erabilera eta programazioa zehaztuta. Honela, lehiaketa publikoan hartu ahal izango dute parte.

Aukeratutako kudeatzaileak bi diru ekarpen egin beharko ditu: 78 mila eurokoa lehena, kontratua sinatzerakoan eta lau urteren buruan itzuliko dena. Eta bigarrena, berriz, 84 mila eurokoa, antzokia kudeatzen hasi aurretik ordaintzekoa.

Beste baldintza batzuk ere zehaztu dituzte: Espaloiak zabalik egon beharko du gutxienez asteburuetan, jaiegunetan eta jai bezperetan. Bestalde, hilean behin ekitaldi kultural bat antolatuko dute kudeatzaileek. Gai-



Orain, egokitze lanetan dihardute Espaloian, eta aretoa nork kudeatu erabakitzeko egin da deialdia.

nera, urteko zenbait egunetan Udalari zein Herri Eskolari antzokia erabiltzeko aukera ematea ezinbestekoa izango da.

Baldintza guztiak zehatz jakin nahi dituenak Udalean eskura ditzake.

Kontratua hamar urtekoa izango da, eta urte horietan guztietan, hilero gutxienez 100 euro ordaindu beharko dizkio kudeatzaileak Udalari.

Interesatuek eskaintzak aurkezteko otsailaren 22ra arteko

epea izango dute. Behin egun horretan proposamen guztiak jasota, handik gutxira Udal ordezkariak aurkeztutako eskaintzak aztertuko dituzte, Espaloia kafe antzokiko kudeatzailea nor izango den erabakitzeko.



Kantari Santa Ageda bezperan

Eskolako neska-mutilak, irakasleak eta hainbat guraso lagun zituztela, Santa Agedaren omenez koplak kantuan irten ziren eguaztenean. Herriko kaleetan aurrez prestatutako koplak abestu zituzten eta zenbait ataritan baita herritarren eskupekoa jaso ere. Euren kantuetan esan zutenek, gurasoek garai batean egiten zuten moduan irten ziren kalera eta ohiturari eutsiko diotela ere aipatu zuten. Santa Ageda ez ezik San Blas eguna ere ospatu dute astean eskolan./I.A.

LABUR

Monitorea behar da aerobik eskolak abian jartzeko

Iaz, urte amaieran, aerobik zerbitzua bertan behera geratu zen eskolak emateko monitorerik ez zegoela eta. Udaleko Kirol Saileko arduradunen asmoa zerbitzua berriz abiaraztea da, eta horretarako ikasleak ere prest daude. Hala ere, oraindik aerobikeko monitoria falta da, beraz, interesatuei egin nahi diete kiroldegian eskolak emateko prest badaude udaletxera joateko. Bestalde, gogorarazi nahi dute gainontzeko kirol zerbitzuak abian daudela.

Goibekoren urteko batzar orokorra astelehenean

Goibeko Kultur Elkarteak urteko batzar orokorra deitu du datorren astelehenerako, otsailaren 9rako. Bilera 19:30ean izango da liburategian eta bazkide guztiei bertara azaltzeko dei egin nahi diete elkartearen arduradunek. Goibeko elkarteak batzarerako gai zerrenda luzea prestatu badu ere, astelehenean hizketarako gai nagusia Espaloia kafe antzokia izango da. Bide batez, batzar hau aprobetxatu nahi dute Goibekoko talde eragileak indartzeko.

Jaiak antolatzeko lehenengo bilera otsailaren 9an

Azoka Nagusiko jaiak uztailearen 1a eta 4a bitartean ospatuko dira aurten. Oraindik jai bezperak egiteko goiz delako iruditu arren, jadanik antolatuta lanetan hasteko gertatu daude Udalean. Horretarako jaietako batzordea datorren otsailaren 9an, astelehenean, elkartzeko da, 21:00etan, udaletxean. Batzarrerara azaltzen diren herritarrek jaietarako euren proposamenak aurkeztu ahal izango dituzte, ondoren bertaratutakoek eztabaiatuko.

UDALA

Aralar: "EAJ/EAko zinegotzi taldeak barkamena eskatu beharko digu saihebiderearen gainean esandakoengatik"

I.A.

Elgetan egin nahi duten saihebiderea dela eta eztabaida asko izan da, azkenaldian, Aralar alderdiaren eta EAJ/EA taldearen artean. Orain Aralarrek gai honen kontura esandakoengatik publikoki barkamena eskatzeko eskatu die EAJ/EAko ordezkari.

Elgetan egin nahi duten saihebidereak sekulako polemika piztu du Udala osatzen duten bi alderdien artean. Horren harira, Aralarrek prentsaurrekoa eskaini du asteon, tira-bira hauek argitzeko asmoz.

Saihebiderearen proiektuaren inguruan gertatutakoak pausoz pauso azaldu zituzten Aralar hiru zinegotzietako udaltxeko oso kolkuren aretoan.

Oxel Erostarberen esanetan, Batzar Nagusietako aurrekontuak zirela eta 2003ko irailetik abendura bitartean negoziaketak egin zituzten EAJ/EAk eta Aralarrek. Hasieran aurrekontuetan saihebiderea agertu ez bazen ere, hainbat zuzenketaren ostean, abenduaren erdialdera saihebiderea egingo dela zioen konpromiso idatzia hartu zuten.

"Saihebiderearen kontuari buruz berba egiteko batzarra behin eta berriz atzeratu dute"

Aralarrek konpromiso hori publiko egin zuen eta Elgetako EAJ/EA taldekoek gezurretan ari zirela esan zieten hainbat hedabidetan kaleratutako albiste eta gutunen bidez.

ELKARTZEKO SAIKERA

Urte hasieran arazoak oraindik bazirauela ikusita, Aralar hiru zinegotzietako udaltxeko oso kolkuren aretoan, baina hilabete pasatu da eta alkateak behin eta berriz batzar hori atzeratu duela esan dute Aralarrek.

Batzarrik ezean, prentsa aurrean agertu eta azalpenak eman nahi izan dituzte. Besteak beste esan zuten Elgetako saihebiderearen gainean ez dutela gezurrik esan. "Argi eta garbi dago Gipuzkoako Batzar Nagusietako



Rebeka Ubera, Oxel Erostarbe eta Iban Retolaza Aralarreko zinegotzietako prentsaurrekoa eman zuten udaletxean.

aurrekontua zela eta Aralarrek batzarkideak eta EAJ-EAk izandako negoziatzei esker, saihebiderearen proiektua egingo dela", esan zuten Oxel Erostarbe Aralarreko zinegotziak. Gaineratu zuten ez dutela ulertzen hori publikoki esateagatik zergatik sortu den horrelako polemika.

Bide batez, alkateari eta EAJ/EAko zinegotzi taldeari publikoki barkamena eskatzeko dei egin zieten. Izan ere, "komunikabideetan, gutun eta prentsa oharren bidez, behin baino gehiagotan esan dute Aralarretik saihebiderearen gainean esandakoa gezurra dela".

Beraz, saihebiderea egingo da eta gainera baliteke lanak aurreratzea. Honela, eztabaidarekin lehenbailehen amaitu nahi dute Aralarrek, eta herritarrei jakinarazi nahi diete ez dutela ezer gordetzeko ez honen gainean ezta beste gaietan ere, eta lanean jarraituko dutela.

San Blas eguneko jaia Arantzetan domekan

I.A.

San Blas eguna martitzenean izan bazen ere, domekan, hilaren 8an, egingo dute Arantzeta auzoan auzotarrek zein herritik hara joaten diren santuaren omenezko ospakizuna.

Eguerdiko ordu batean meza izango da auzoaren amaieran dagoen San Blas ermitan.

Martitzen goizean parrokiaren egindako bedeinkapenera joaterik izan ez zutenek, domekan, San Blas opilak eta gozokiak

bedeinkatzeko aukera izango dute mezetan.

SALDA ETA TXORIZOA

Ospakizuna ez da mezarekin amaituko. Izan ere, txapligu hotsean Arantzetara hurreratzen direnendako, salda eta txorizoa gertu edukiko dute auzotarrek, baita umeendako gozokiak ere.

Antzina San Blas eguneko ospakizunetan iluntzean erromeria izaten bazen ere, orain ez da egiten. Aurten, trikitilaririk izango den ere zehazteke dago.



San Blas ermitan opilak eta gozokiak bedeinkatzeko meza izango da.

LABUR

Sagardotegira irteera gaztetxetik

Elgetako Gazte Asanbladak Hernaniko sagardotegi batera irteera antolatu du. Otsailaren 14an, 19:00etan Elgetatik irten eta buelta 03:00etan izango da. Izena emateko azken eguna otsailaren 9a, astelehena da, eta interesatuek gaztetxera edo Haizea tabernara joan beharko dute. Gutxienez 35 laguneko taldea osatu behar da sagardotegira joateko, eta joan nahi dutenek 35 euro ordaindu behar dute.

GOIENAN HERRIZ HERRI

Patxi Basauri Elgetako alkatearekin berbetan. Martitzenean, otsailaren 10ean, 20:30ean.



GOIENAN HERRIZ HERRI / Babeslea:

Ikusiko duzu!

ARRASATE-ARETXABAETA



ERRETRATUZAHARRA

BERGARA

Gazte mailako
futbol taldea
Bartzelonan

Bergara KEko gazte mailako futbol taldeak Bartzelonaren aurka jokatu zueneko argazkia duzue albokoa; 1964koa, hain zuzen ere. Bergarako gazteak Gipuzkoako txapeldun izan ziren, eta, horren ondorioz, Espainiako Txapelketan parte hartzeko aukera izan zuten.

Kantabriako Toluca taldea kanporatu ondoren, Bergarak Bartzelonaren aurka jokatu zuen. Agorrosinen 2-1 irabazi zuen Jabier Madinabeitiak zuzendutako taldeak, eta Bartzelonan 7-2 galdu zuten, Las Corts zelaian. Partiduaren aurretik Camp Nou-ra bisita egin zuten bergarrek. Ezkerretik eskumara:

Zutik: Cruz Jauregi, Manuel Arruabarrena, Tomas Astaburuaga, Andres Altzelai, Luis Mari Garitano (atzera begira dagoena), Ambrosio Arantzabal (atzerago), Julio Askasibar, Juan Antonio Igartza, Bixente Eguren, Pako Azkarate, Onesimo Manzano, Karlos Orueta eta Juanito Torre.

Pixka bat aurreratuago: Jesus Mari Lete, Iñaki Akizu, Pablo Gallastegi eta Luis Abajo.

Makurtuta: Julio San Vicente, Jabier Ezkurra, Juanito Juaristi, Guillermo Navarro, Hilario Arantzabal, Jesus Arruabarrena, Jesus Irizar Pardina, Agustin Arantzabal *Gaztelu*, Jabier Garate eta Jabier Lazkano.

Argazkia: Jesus Arruabarrena.



ADI, IRAKURLE!

Zure erretratu zaharra argitaratzea nahi izanez gero,
zatoz BERRIGARAra (Irizar jauregia, Barrenkalea 33) edo Elgetako kultura etxera.
Zain gaituzu!

SARRERA DOAN

Aste bukaerako
plana zabal-zabalik

Eguenetan,
20:30ean eta 22:30ean

Aurkezlea:
Amagoia Lasagabaster

Goiena
Komunikazio Zerbitzuak

**Ikusiko
duzu!**

SARRERA DOAN
Laguntzaileak:
Bilintx, Arteaga landetxea, Jade, Gili gili

Zozketa

Bi lagunendako afaria
Diskoak
Kontzertuak eta antzerkia

943 71 23 93
UTZI MEZUA!





Orain, baita Bergaran ere, Ibargarai 44an. (646 433 458)

- PISUA GALTZEKO DIETAK
- PISUA IRABAZTEKO DIETAK
- HEZIKETA NUTRIZIONALA
- HAURDUNALDIRAKO ELIKADURA
- KIROLARIENTZAKO DIETAK
- ERRELEBOKO LANGILEENTZAKO DIETAK
- OSASUN ARAZOETARAKO AHOLKULARITZA:
(KOLESTEROL, DIABETES,
HIPERTENTSIOA, AZIDO URIKOA)
- JARRAIPEN PERTSONALIZATUA
- ETXEZ-ETXEKO ZERBITZUA
- IKASTAROAK...

(...)

mireia alberdi

DIETISTA-NUTRIZIONISTA

(t) 943.76.60.45

(m) 646.43.34.58

mireialber@euskalnet.net

Olaran etxea, herriko plaza 3
ANTZUOLA



deskontuak

Mirari
JANTZIDENDA

% 50eraino

Martoko 34 Bergara 943 76 23 93

San Valentin eguna



Gizonezkoendako barruko arropa
Gallastegi konfekzioak
San Pedro 15



Emakumezkoendako lentzeria
Igarza mertzeria
Irala 5



Mutlendako barruko arropa
Gantxegi mertzeria
Telesforo Aranzadi 2



Emakumezkoendako eraztuna
Etxeberria bitxitegia
Bidekurutzeta 16



Lepokoa eta belarritakoak
Haraia zilarrezko bitxiak
Boni Laskurain 4

GREMIOEN GIDA



AGIRRE MARGOAK

Ortuibar 1, 3-C
943 76 53 82
Tailerra:
Alkabieta 7

- Orotariko pintaketa lanak

J.M. IZAGIRRE
Igeltseritza

Loidi baserria,
Angiozar
943 76 56 86

- Teilatu, fatxada, sukalde eta bainugelen berrikuntza

ARREGI AROZTEGIA



Urteaga 20
943 76 11 73
Erakusketa:
Bidekurutzeta 38
943 76 31 03

- Orotariko arotz lanak
- Sukaldeak
- PVC leihoak

BERGARA
Margoak

Amillaga 1, 1. pab.
162 p.k.
943 76 97 31
F 943 76 97 32
bergara.margoak@terra.es

- Orotariko pintaketa lanak
- K-21 agiria



UGARTE
ARROZTEGIA-ALTZARIAK

San Juan 1 A
943 76 54 91
F 943 76 08 04

- Orotariko arotz lanak
- Apainketa, soruak, leihoak, atreak



zure etxearen
osasun onerako